



般若波羅蜜多心經

唐三藏法師玄奘奉 詔譯



清刻龍藏佛說法變相圖

般若波羅蜜多心經

唐三藏法師玄奘奉 詔譯

觀自在菩薩行深般若波羅蜜多時照見五  
 蘊皆空度一切苦厄舍利子色不異空空不  
 異色色即是空空即是色受想行識亦復如  
 是舍利子是諸法空相不生不滅不垢不淨  
 不增不減是故空中無色無受想行識無眼  
 耳鼻舌身意無色聲香味觸法無眼界乃至  
 無意識界無無明亦無無明盡乃至無老死  
 亦無老死盡無苦集滅道無智亦無得以無  
 所得故菩提薩埵依般若波羅蜜多故心無  
 罣礙無罣礙故無有恐怖遠離顛倒夢想究  
 竟涅槃三世諸佛依般若波羅蜜多故得阿  
 耨多羅三藐三菩提故知般若波羅蜜多是  
 大神呪是大明呪是無上呪是無等等呪能

除一切苦真實不虛故說般若波羅蜜多呪

即說呪曰

揭諦揭諦 波羅揭諦 波羅僧揭諦

菩提薩婆訶

般若波羅蜜多心經

音釋

實相般若波羅蜜經

瑜伽 梵語也此云相 繒蓋 繒蓋以帛為蓋

也 鐸鈴屬 哈 胡暗切 唵 烏感切 憾 胡紺切 唎

一 皆許 怛 纒還盧切 阿 於何切 阿 烏柯切 藍 盧監切 頤

唎 胡切 依怙 怙音戶依 驃 毗召切